

奉天通志

二函之一冊
大事明七至八

奉天通志卷十七

大事十七

明

明七

世宗上

世宗嘉靖元年春正月添設遼東寧海道參議一員

明實錄正月辛未命添設遼東寧海道參議一員帶銜山東管分守事從撫按之請也

二月遣祭醫巫閭山神

皇明大政記

二十

二月己丑廷臣分祭嶽鎮海瀆等神

遼東志

二

嘉靖元年遣彭城伯張欽致祭

寇犯鐵嶺衛軍人陶原力戰死之

明實錄二月癸巳虜犯遼東鐵嶺衛守墩千戶徐瀚失於策應

軍人陶原率衆赴戰死之

秋七月開原邊牆修竣

明實錄七月丙辰開原修邊工完上嘉鎮巡等官都御史李承勛等勤勞各賜銀幣仍行巡按御史查閱以聞

八月合祀王翱於遼東馬雲葉旺祠

皇明大政記

二十五

合祀前總督王翱于遼東馬雲葉旺祠中

免開原屯糧

明實錄八月丙申免遼東開原衛開墾地土田糧

冬十月振遼東災

明實錄十月丙申以遼東等處旱災詔官軍每石加銀二錢不為例仍以該鎮麥鈔豆揚州臨清等處變置房產等銀轉發接

濟

冬十一月免遼東災糧

明實錄十一月丁巳以遼東災傷免廣寧前屯等二十八衛所屯田子粒有差

十二月開原大饑

明實錄十二月庚寅遼東開原大饑詔免催徵椿棚馬價候嘉靖二年秋成帶徵其業已輸官者各該所司籍記貯庫不得侵沒

二年春二月振遼東饑

明實錄二月癸未遼東旱災巡撫都御史李承勛奏請賑恤戶部議發太倉銀十萬兩兩淮鹽價銀五萬布花麥鈔銀六萬六

百餘兩兩淮山東鹽引銀八萬一千兩以備賑濟併補足屯銀
仍許商人載粟出關毋禁從之

夏五月巡撫遼東李承勛固請乞休許之

明實錄五月丁酉巡撫遼東右副都御史李承勛稱病篤乞休
上溫詔慰留已復固請准暫回籍調治

明史李承勛傳以疾歸

六月建州等衛送歸所掠

明實錄六月癸丑都給事中許復禮言頃朵顏衛夷人把兒孫
建州右衛都指揮牙令哈各以送回被擄人口守臣言其功因
授把兒孫千戶牙令哈都督僉事臣聞二虜欺詐百端窺我軍
弱備弛縱部擄掠因以所擄詐稱奪回人數以希陞賞泥把兒

孫往年殺害參將陳乾尚未伏法而反加秩是為醜虜所愚矣
乞追奪之各守臣曲為陳請亦宜懲戒兵部言牙令哈歷年効
勞在邊守法與把兒孫不同上命牙令哈仍與都督把兒孫侍
役有年奏來授職各邊鎮被擄逃回人守臣從實奏報若匿情
罔上者罪之

以張璉為右副都御史巡撫遼東兼贊理軍務

明實錄六月乙丑以順天府府尹張璉為右副都御史巡撫遼
東地方兼贊理軍務

秋八月寇入丁字堡都指揮王綱追擊死之

明實錄八月辛酉虜入遼東丁字堡殺擄軍士十五名口備禦
都指揮王綱追襲出境死之

奉天通志 卷一
金復海等州大雨

皇明大政記

二十五

八月金復海等州大雨暴水賑卹

九月寇入楸木山指揮閻振等襲敗之

明實錄九月癸未虜入遼東楸木山指揮閻振等督軍追襲獲首級十一馬六追回被擄牛二隻

三年夏四月郤永乞歸詔即任予告鎮守如故

明實錄四月壬子鎮守遼東總兵官郤永引疾乞歸上以永謀勇素聞即任予之告鎮守如故

秋七月巡撫遼東張璉條陳四事

明實錄七月丁卯巡撫遼東都御史張璉以遼東地方彫敝官軍困苦條上四事一增折銀兩以甦窮困一重給賞以濟邊方

一招住種以補屯糧一添游兵以便應援詔下所司議行之

九月免廣寧寧遠諸衛屯糧

明實錄九月癸酉免遼東廣寧寧遠諸衛屯糧

冬十月遼東有年

明實錄十月丁酉以遼東歲稔預發太倉年例銀十五萬兩命及時收買糧料待用

十二月寇入寧遠堡守備閻振興擊敗之

明實錄十二月辛卯虜入遼東寧遠等堡守備閻振興戰敗之斬首三十七級奪馬匹兵器甚衆巡撫都御史張璉以聞上命敕獎鎮巡等官

遼東妖賊陸雄李真等作亂討平之

明實錄十二月戊戌遼東妖賊陸雄李真等聚衆謀為不軌突
入山海關殺守關主事王冕守備指揮田登斬捕十餘人餘悉
遁去守臣以聞上命各鎮巡官嚴限逐捕雄等仍榜諭所在解
散其黨田登准以功贖罪王冕優卹之

四年春三月詔諭諸夷來貢不得違期逾額

明實錄三月辛巳女直建州衛都督等官童子哈的納等入貢
違期人數亦浮常額禮部請治遼東都指揮薛澄罪仍敕各邊
鎮巡官自今諸夷來貢違過額期即撫諭遣還其有奏更敕書及
諸乞陞襲者並准朝貢額數不得借名濫增以滋冗費得旨如
議而奪澄俸兩月

夏六月遼東叛賊李真周輔等伏誅

明實錄六月癸巳遼東叛賊李真周輔等伏誅

秋七月籍金復等州流移

明實錄七月乙未東官廳參將署都指揮僉事劉暉條陳武備七事一撫流移言遼東金復等州地臨海島流移逃遁潛藏日久恐結夷為患宜令鎮巡等官招撫為籍兵部覆議從之

冬十月復修遼東邊牆

明實錄十月丙戌初遼東議修邊牆未及四年又以積雨頽壞至是巡撫都御史張璉等復請修築上從之令酌量緩急以漸修理務令堅厚經久不許鹵莽徒費財力仍敕戶部以長蘆額鹽六萬引山東四萬引兩淮三萬引行該鎮關中以給工費免遼東屯糧有差

明實錄十月丁未以災異免遼東各衛所屯糧有差

閏十二月振遼東災

明實錄閏十二月乙亥以遼東災傷再發銀九萬二千六百兩准嘉靖六年例及量包屯糧不敷之數

通鑑明紀閏十二月乙亥振遼東災

五年春三月張璉病免以張雲為右副都御史巡撫遼東

明實錄三月辛丑陞南京光祿卿張雲為右副都御史巡撫遼東

列卿紀五年張璉病免

夏六月發湖廣豪民李鑑戍遼東

明實錄六月乙亥長沙豪民李鑑與父李華流劫村落華先死

于獄尚書席書為鑑理寃免死發戍遼東

冬十月免遼東災糧

明實錄十月甲寅以災傷免遼東各衛所屯糧有差

六年春二月振遼東饑

明實錄二月丙子遼東大饑道殣相望巡撫都御史張雲奏將邊堡應賑戶口其貧病老弱者量為給食壯有力者督令築邊即以原議工費米四萬四千石計日給之不足于貯庫官銀內支用部覆從之

三月詔浙江守臣送遭風朝鮮國人還遼東遣歸國

明實錄三月癸巳浙江定海衛得朝鮮國遭風夷人李根等十七人守臣以聞詔還遼東遣歸國

起用遼東總兵官郤永鎮守宣府

明實錄三月庚辰虜復寇宣府兵科都給事中鄭自璧等因劾總兵傅鐸前後失事之罪薦養病總兵郤永可以代鐸從之

遼東大饑詔預發年例銀給軍

明實錄三月戊戌遼東大饑撫按官請增邊餉折色并催徵布花以給軍士上憫之發太倉銀八萬兩作次年年例及盡發所貯帶運庫鈔折銀聽預支一二月山東布花今有司以時督徵

誦錦衣衛百戶張春海州衛差操校尉何顯翟字充海州衛軍

明實錄三月丙午錦衣衛百戶張春校尉何顯翟字奉詔逮侍讀葉桂章行至柏鄉傳舍桂章夜如廁袖小刀自刺死考訊春等索賂有狀獄詞具得旨春調發海州衛差操顯字充海州衛

軍

秋七月命遼東游擊蕭滓率兵由薊州直抵懷來北箭聽調

明實錄七月乙酉遼東巡撫都御史張雲言廣寧城團操聽調官軍三千人日費芻米不貲今各邊賊勢稍緩而遼東時有警報請罷回各城操守上以遼東選練士馬原以應援宣大今虜駐近邊若俟有警方調即緩不及事令戶兵二部查議奏請期于有備無患其諸軍遣發時人給賞銀二兩部議謂宣大虜患方棘誠如聖諭上乃命遼東游擊蕭滓領軍由薊州直抵懷來以候進止

九月謫大理寺少卿徐文華給事中劉琦御史程啟充戍遼東

明實錄九月壬午詔大理寺少卿徐文華河附巡按殺人媚人

給事中劉琦御史程啟充等挾私彈劾俱發戍邊衛

明史程啟充傳郭勛庇李福建獄為啟充所劾張聰桂夢因指
啟充挾私謫戍邊衛十六年赦還

程啟充遊千山記

全遼志

嘉靖丁亥余謫戍撫順壬辰往屯蒲河

丙申三月乃遷錦州道出襄平千山去襄平六十里許丁亥拙
同徐子文華劉子琦往遊

巡撫遼東張雲請宥遼海戍軍季數不許

明實錄九月丙戌宸濠之亂廣東參政李敷以赴任道經南昌
濠逼使齎送偽檄至王守仁所竟坐謫戍遼海巡撫都御史張
雲為言於上請原之不許

鐵嶺等衛饑

明實錄九月癸巳遼東鐵嶺等衛饑詔免屯糧有差

冬十一月以麻循為總兵官鎮守遼東

明實錄十一月庚寅陞大同左副總兵麻循為署都督僉事充總兵官鎮守遼東

七年春正月寇掠靖安堡參將閻振等追敗之

明實錄正月辛巳虜百餘騎掠開原靖安堡參將閻振指揮鍾倅追敗之斬首六十餘級

張雲罷進潘珍為右副都御史巡撫遼東

明實錄正月癸未命吏部會戶兵二部考覈各撫臣宜去留者以聞於是吏部尚書桂萼等言遼東巡撫張雲宜回籍聽別用從之

奉天通志 卷二十八
又正月壬辰陞湖廣左布政使潘珍為都察院右副都御史巡撫遼東

夏五月巡按山東御史張問行條陳遼東五事

明實錄五月丙戌兵部覆議巡按山東御史張問行條陳五事
一遼東軍士冒功每為權要者貨取冒陞請自今禁諭有功軍士貧不願陞者照例給賞若以私貿易各治重罪一遼東各衙門差用人役除額設吏典外復有掌房主案識字算手舍人各倚勢生事宜悉查革惟照腹裏地方止發老人等項更番應役一遼東海運已廢而旅順口望海埭等處猶設驛遞守禦等官宜量裁省一遼東海外差役既煩而每歲認納官銀多入勢豪私橐宜行撫按守臣將額外納銀查議改正一遼東二十五衛